




VINDAFJORD
KOMMUNE

Vedtekter for skulefritidsordninga i Vindafjord kommune

OPOM 30.01.2023

Kommunestyret 14.02.2023 (KS 011/23)





Innhald	
1 EIGARFORHOLD OG SKULEFRITIDSTILBOD	3
2 SØKNAD OM OPPTAK	3
3 OPPTAKSKRITERIUM	3
4 OPNINGSTID	3
5 ENDRING AV OPPHALDSTID OG FRIST FOR OPPSEIING AV Plass	4
6 FORELDREBETALING OG FAKTURERING	4
6.1 Faste opphaldsalternativ (gjeld alle skuledagar på skuleruta)	4
• Full feriepakke	5
• Dagpakke	5
6.2 Søskenmoderasjon og refusjon	5
6.4 Redusert foreldrebetaling	5
6.5 Gratis kjernetid	5
6.6 Prisendringar	5
6.7 Faktura	5
6.6 Misleghald av faktura	5
6.8 Hente for seint	6
7 LEIKE- OG OPPHALDSAREAL	6
8 LEIING OG BEMANNING	6
9 GENERELT	6
Om måltid	6
Om skyss	6
Om forsikring	6
Om vedtektene	6



1 EIGARFORHOLD OG SKULEFRITIDSTILBOD

Vindafjord kommune skal gje tilbod om skulefritidsordning (SFO) ved alle barneskulane i kommunen før og etter skuletid dersom det melder seg nok barn. Vindafjord kommune driv SFO etter gjeldande lovverk og kommunen sine vedtekter og retningsliner.

Opplæringslova § 13-7 inneheld dette om SFO: *Skulefritidsordninga skal leggje til rette for leik, kultur- og fritidsaktivitetar med utgangspunkt i alder, funksjonsnivå og interesser hos barna.*

Skulefritidsordninga skal gi barna omsorg og tilsyn. Funksjonshemma barn skal givast gode utviklingsvilkår...

Tilbodet er for barn i 1. – 4. årstrinn og for barn med særskilt behov for tilrettelegging i 1. – 7. årstrinn. Elever med nedsatt funksjonsevne 5.-7. klasse har rett på gratis SFO.

2 SØKNAD OM OPPTAK

Søknad om opptak skal gjerast via Visma, sjå kommunen si nettside. Skulane og kommunen sitt servicetorg kan gje hjelp til å søkje. Hovudopptak for hausten skjer med søknadsfrist 1. mars dersom ikkje anna blir kunngjort. Det kan og søkjast om plass i SFO gjennom året. Opptak til SFO gjeld til og med 4. årstrinn. (Ein treng ikkje søkje kvart år når ein ønskjer å halde fram med SFO). Dersom ein ønskjer plass i SFO for barn som går i 5. – 7. årstrinn, skal det sendast ny søknad kvart år.

Dersom eit barn treng særleg tilrettelegging for å vere i SFO (t.d. ekstra utstyr, ekstra tilsett), må foreldre/føresette opplyse om det i søknaden og ev. dokumentere behovet. Den einskilde SFO vil informere nærare om frist m.m. etter hovudopptaket. Rektor saman med den som er leiari for SFO, gjennomfører opptak. Etter forvaltningslova §29 er dette eit enkeltvedtak med rett til å klage på avgjerda innan tre veker. Etter søknadsfrist blir det kun tatt inn elevar dersom det er plass ved den einskilde SFO.

3 OPPTAKSKRITERIUM

Så langt råd er skal alle som søker, få plass. Dersom det er fleire søkjarar enn SFO har plass til, vert inntaket prioritert slik:

1. Barn med særlege behov for tilrettelegging med uttale frå faginstans (Gjeld 1.- 7. årstrinn).
2. Barn som har eineforsørgjar.
3. Dei yngste barna har prioritet framfor eldre barn.

4 OPNINGSTID

SFO har som hovudregel opningstid måndag t.o.m. fredag frå kl. 07.00 om morgonen og stengjer kl. 16.30. SFO har normalt ope alle skuledagar, men det må vere minst 5 påmeldte barn før ein kan halda ope. SFO er stengt i skuletida og på skulen sine planleggingsdagar, utan om den første i august (sjå nettsida til kommunen for skulerute/skuledagar). Der tilhøva ligg til rette for det, kan ein samarbeide med barnehagen om SFO-tilbod om morgonen. Førsette kan i tillegg kjøpe ferie- og



fritidspakke eller dagpakkar i samband med ferieavviklinga. Foreldre/føresette oppgir i søknaden omfang dei søker plass for.

Alle pakkar blir då (pakke 1-3 er alle dagar):

Pakke 1: 07:00-15:00

Pakke 2: 07:00-16:30

Pakke 3: Etter skuleslutt - 16:30

Pakke 4: 3 dagar før og etter skuletid

Pakke 5: 3 dagar etter skuletid

Pakke 6: 2 dagar før og etter skuletid

Pakke 7: 2 dagar etter skuletid

I statsbudsjettet for 2022 blei det vedteke 12 timar gratis SFO for elevar på 1. trinn. Ny forskrift i tråd med den nye ordninga har vore på høyring og gjeld frå skuleåret 2022/2023. **Føresette treng difor ikkje søka om gratis kjernetid**, dette vil komme til fråtrekk automatisk for alle på 1. trinn. Dersom nytt statsbudsjett kjem med at fleire trinn skal ha gratis kjernetid vil det eventuelt vere same ordning for desse. Gratis kjernetid er pakke 7, eller fråtrekk på faktura tilsvarande 12 timar SFO i veka.

5 ENDRING AV OPPHALDSTID OG FRIST FOR OPPSEIING AV PLOSS

Endring av opphaldstid og oppseiing av plass skal skje skriftleg til den enkelte skule. Endringa skal skje inne på Visma. Foreldre/føresette må som hovudregel betale for 3 månader rekna frå siste dag i oppseiingsmånaden. Det same gjeld når ein søker vesentleg reduksjon i opphaldstid. I særskilde høve (t.d. ved sjukdom eller ikkje planlagt flytting) kan rektor fastsetje kortare oppseiingstid.

6 FORELDREBETALING OG FAKTURERING

6.1 Faste opphaldsalternativ (gjeld alle skuledagar på skuleruta)

Kommunestyret fastset satsar for foreldrebetaling i SFO. Prisen for eitt år vert fordelt på 10 månader. August og juni har halv sats. SFO er stengt i juli (ferieavvikling). Sjå heimesida for gjeldande tilbod.

Opphald i skuleferien

SFO-tilbod på ferie- og fridagar blir berre gitt for full dag. (0700 – 1630) og berre dersom det er nok påmeldte. Tilbodet kan bli lagt til annan skule enn den vanlege på slike dagar. Ølen og/eller Skjold skular tilbyr ferie-SFO.



Føresette kan velje mellom dei 2 alternative feriepakkane under. Prisen blir fordelt på 10 månader og fakturert saman med den ordinære foreldrebetalinga.

- Full feriepakke
 - August: oppstart 2 veker før skulestart (stengt to planleggingsdagar i august)
 - Hautferie: 5 dagar
 - Desember: Frå skuleslutt t.o.m. 23.12. Romjula er stengt.
 - Vinterferie: 5 dagar
 - Påskeveka: 3 dagar
 - Juni: Frå skuleslutt og ut juni månad.
- Dagpakke
 - Dei som ikkje ønskjer full feriepakke, kan innan 1. mai velje kva dagar dei ønskjer å bestille i SFO utover ordinært opphald neste skuleår.

6.2 Søskenmoderasjon og refusjon

Når fleire søsken er fast innmelde i SFO, vert det betalt full pris for det barnet som har lengst opphaldstid. Barnet som har nest mest tid får 30% søskenmoderasjon. Dersom det er fleire enn 2 søsken, får dei 50% rabatt kvar. Rabatten gjeld og på feriepakke. Barn som går over frå barnehage til 1. klasse i august og bestiller feriepakke i SFO, får refundert satsen tilsvarande ei veke av feriepakka i SFO då dei har betalt barnehageplass til 15. august.

6.4 Redusert foreldrebetaling

Du har rett på redusert foreldrebetaling om maksimumsprisen for SFO er høgare enn 6 prosent av den samla inntekta til familien eller i hushaldet. Dette er ei nasjonal ordning som gjeld for 1.-4.trinn. Ordninga gjeld berre etter skriftleg søknad til kommunen (skulen kan hjelpe med søknad). Meir informasjon på heimesida til Vindafjord kommune.

6.5 Gratis kjernetid

Pakke 7 eller eit fråtrekk på faktura tilsvarande 12 timar SFO per veke.

6.6 Prisendringar

Kommunestyret vedtek til vanleg prisen for opphald i SFO i møte i desember kvart år med verknad frå 1. januar året etter. Kommunestyret kan og gjere vedtak om prisjustering elles gjennom året.

6.7 Faktura

Det vert sendt faktura etterskotsvis kvar månad med betalingsfrist på 2 – 3 veker.

6.6 Misleghald av faktura

Dersom ikkje foreldrebetaling er betalt innan forfall på inkassovarsel mister barnet plassen på SFO.



6.8 Hente for seint

Dersom barnet ikkje blir henta innan fastsett hentetid i SFO, vil det bli fakturert eit gebyr.

7 LEIKE- OG OPPHALDSAREAL

Areala, både ute og inne, skal vera eigna for formålet, jf. Opplæringslova § 13-7. SFO kan nytte den einskilde skule sine klasserom, opphaldsrom, ute- og nærområde. Rektor avgjer kva rom som skal nyttast.

8 LEIING OG BEMANNING

Rektor er pedagogisk og administrativ leiar for skulen si skulefritidsordning. Ein av dei tilsette har ansvaret for den daglege verksemda i SFO. Som hovudregel vert SFO bemanna med 1 vaksen person (fagarbeidar/assistent) per 15 barn på gruppa.

9 GENERELT

Om måltid

Dersom det kan leggst til rette for, og foreldregruppa ønskjer det, kan det avtalast at barna får eit måltid i SFO. Førsette betalar matpengar som vert fakturert saman med den faste betalinga kvar månad.

Om skyss

Skyss frå SFO er foreldra sitt ansvar. For barn i SFO som er funksjonshemma og mellombels skadde eller sjuke, gjeld Opplæringslova §7-3, 2. ledd:

Elevar som har plass i skulefritidsordninga, jf. opplæringslova § 13-7, og som på grunn av funksjonshemming eller mellombels skade eller sjukdom har behov for skyss, har rett til skyss til og frå skulefritidsordninga. Retten omfattar ikkje skyss i skoleferiane. Retten til skyss gjeld uavhengig av avstanden mellom heimen og skulefritidsordninga.

Om forsikring

Barna er ulukkesforsikra gjennom kommunen si ordning den tida dei er på SFO.

Om vedtektene

Vedtektene blir vedteke av kommunestyret. Siste utgåve blir lagt ut på kommunen si heimeside. Førsette kan få papirutgåve ved å vende seg til skulen.